

四庫禁燬書叢刊編纂委員會

北京出版社

四庫禁燬書叢刊

史部第六三冊目次

本朝京省人物考一百十五卷(四)

〔明〕過庭訓撰
明末刻本

一

表揚錄續編不分卷

〔清〕尹嘉銓撰
清乾隆三十七年刻本

六四九

北學編四卷

〔清〕魏一鰲輯 尹會一續輯
清光緒十四年四川尊經書院刻本

六六九

本朝京省人物考一百十五卷（四）

〔明〕過庭訓撰

明末刻本

北京大學圖書館藏

人物考卷之八十九目錄

河南彰德府

郭資

石璞

蘭從善

翟政

周晟

劉潺

李和

李顯

徐憲

樊凱

崔陞

李鏊

賈錠

崔銑

張士隆

馬卿

張衍瑞

王勲

葛覃

郭樸

李泰

王邦直

河南衛輝府

邢冕

靳義

郭欽

馬英

周鳳

王嵩

李文泰

原潔

劉清璋

陳曄

陳玉

馬龍

李光幹

潘鐸

李可登

劉珪

蔡揚金

陰秉賜

河南懷慶府

郎敏

蓋霖

劉幹

王徽

王懋

何瑛

劉涇

本朝分省人物考卷之八十九

河南彰德府

郭資

郭資字存性彰德府武安縣人自幼志氣超羣弱冠入邑庠從師受春秋有所造就洪武辛酉入太學甲子領應天府鄉薦明年乙丑進士初爲戶科庶吉士改戶部主事丁外艱服闋實授本部湖廣司主事吏不容奸聲譽頓起陞都察院左僉都御史無何尚書郁新以才薦之授前北平布政司右叅議蒞事之初卽以本司弊政爲言 太祖嘉其忠直陞本司右布

政資悉心殫慮贊佐有方不數月陞左布政使精勤詳慎紀綱大振豪猾歛跡良善獲安時 成祖在藩邸尤愛重之資有所言無不聽納及起義靖難命資城守撫輯兵民供給糧餉百費所需未嘗乏誤嘗以漢蕭何擬之 成祖卽位論功召陞戶部尚書 賜白金文綺楮幣視諸伯未閱月以北平重地命掌布政司事未幾 詔建北平設行部拜資行部尚書資以北地軍民初安生業始遂而官司所費冗濫當樽節以恤下乃惓惓以祛弊舉廢爲務或有不悅而謗資者 成祖聞之降勅備論益以心膂任之滿考賜

宴內廷頒勅獎諭歲辛丑定都北京革行部調資戶部職務叢脞資勤以率下百事修舉 仁宗嗣位加太子太師寒義夏原吉數短於上謂資偏執妨事且病令致仕 上意不然間以語大學士楊士奇曰先皇興義旅一切軍需糧餉皆出資調度及吾昔居守甚得資力其人亦才且誠今必如二臣請是吾危則任人安卽棄之吾誠不忍士奇對曰故舊無大故不棄此 皇上盛德顧資疆毅人不得干以私但詔勅所蠲租稅資必責有司依歲額徵此過之大者誠如二臣言然耿介守廉非衆所及 上曰吾在此

復有原吉與同事彼雖偏執莫能行也已竟罷政事賜璽書歸武安資歸 上念之不已間謂士奇等曰無使大臣怨乎不以資其謂我何 命戶部給半俸復其家 宣皇嗣位詔起資爲戶部尚書免朝謁資視事勤雖大風雨不避僚吏敬憚滿考 賜宴於禮部獎以勅書譬資如歲寒松柏愈老愈勁其優待隆厚若此宣德癸丑十二月疾劇屢言蒙被 朝廷重任無以効報爲愧切切訓諸子及孫當感恩思報不及家事以卒年七十三 上深悼惜爲資罷朝遣禮部尚書胡濙賜祭勅工部製棺營葬贈進光祿大夫

枉國湯陰伯謚忠襄官其子任戶部廣東清吏司主事卒之日家無餘貲公卿大夫皆往哭弔致奠祭自始仕至老家視國事凡所施爲毅然自任不畏強禦怨有弗避害有弗辭與人辯論嚴厲之氣見於辭色而推之於政略無害人蠹物之心所居在馬莊村頽垣樸舍未嘗治第府城故人稱其有守云

石璞

石璞字仲玉臨漳人永樂庚子鄉貢入太學初爲監察御史宣德中遷江西按察副使按察使山西布政使璞剛介有治才所在著稱在江西時民娶婦三日

夫婿婦往拜其家婿先歸婦後失之徧索不獲婦翁訟婿殺女婿不勝撈掠自誣服云棄尸前塘中官使人求之果得尸獄成獨璞疑曰殺其人而棄尸非深怨者不如是也彼初婚方燕好胡乃爾爾乃齋沐夜香祝曰此獄關綱常萬一其婦與人私其夫既受虐名又枉死於理安邪夜夢人贈一麥字璞思曰兩人夾一人也獄有歸矣比明械囚首令待時行刑囚未出璞見一童子竊向門內窺璞令人召入曰爾羽容胡爲至此得非爾師令爾偵某囚事乎童子大驚吐實果二道士素與婦通見匿之槁麥中江西人號

曰斷鬼石在山西時議修堯廟一夕大風拔木積廟前皆棟梁材後進工部尚書正統戊辰河決滎陽經滑濮至陽穀入漕河潰沙灣東隄入于海命璞治之河決口塞明年已巳處州盜起命璞討平之景泰辛未也先寇獨石命璞兼大理寺卿往璞充餉勒兵修垣守險 康定帝賜璽書曰爾忠勤善謀素爲邊人信故爾事平進太子太保改兵部尚書丙子湖廣苗叛奸民李珍魏玄冲往爲向导引之寇掠作讖文于湖湘訛言曰騰民用大擾又命璞往璞以計生得珍玄冲檻送京師苗平還治部事數年致仕天順庚辰英皇召大學士李賢謂曰石璞純臣也聞其尚健然貧爲我以璽書召來至京師 上召見文華殿璞服素袍繫角帶入 上曰吾賜爾緋玉敝乎璞叩頭曰臣平生以孤忠奮無結納今臣自分填溝壑矣詔至臣自知亡他途必臣有罪當誅遣耳 上說是時璞微曠乃命掌南京都察院事成化初致仕歸五年卒初璞在山西時其夫人與諸僚妻燕歸憚曰彼多金珠綺采吾布裙襖甚不稱布政妻也璞曰爾何坐曰席首曰使吾墨于憲汝安得居此座且吾素不以妻子故宦彼金珠綺采者後欲居汝席得乎明年

其夫果有以墨罷者自大司馬歸彰德買田百餘畝
貧不能治第爲別業高平渠南但傍岸作屋三楹
卑甚且閭屋左茅舍內僅一畝有安陽人自典史
歸璞往其家盛治具几上陳銀器前列金杯十餘璞
見之問曰爾宦幾年曰未一考也曰胡歸乎曰刁民
誣吾貪奪職日使吾治爾爾焉能還鄉里哉拂衣出
其廉介性成若此

蘭從善

蘭從善字從善磁州人山不陵縣教諭遷揚州府學
教授 宣皇爲皇太孫志慕堯舜 文皇擇天下名
儒輔之中選者毋得拘階序從善召授翰林編修與
王值錢習禮十五人日侍講讀從善行端貌重所論
上皆帝王之道閱十年從善遷贊善 宣皇爲皇太
子從善自侍讀遷洗馬 宣皇嗣位同事者皆遷
要甚者即拜尚書而從善獨與王值留滯不調遷者
得志逞氣勢炳赫赫從善日坐東閣中細書暇則取
秘書讀遇休沐與抑菴公載酒郊遊覽勝賦詩意治
如也又數年以久次遷學士 上方嚮學從善以舊
臣見信用每進講多鄉音 上日久宦不改其素從
善其君子哉年七十授例求謝事上慰留之又四年

乃得請還郡而卒

翟政

翟政字以德安陽人少穎悟越人同舍生傳萬學士
詩義數百篇甚珍愛每夜俟諸生寢始出而誦之政
立戶外竊聽盡憶景泰甲戌舉進士授大理評事晉
山西僉事李都御史者嘗坐事 詔廷臣案之廷臣
下政勘政以實報都御史幾失秩吏部汰省府官都
御史署政考下下日雖任風憲亡能激揚遂罷政政
不能平日上官過固當覆如欺君何古以忠賞今罰
吾忠吾君安得聞遂 奏辯 詔令致仕政歸貧甚
守志不干謁日坐庭中誦書學詩取古帖臨寫政質
直言不依阿行無藻飾居鄉幾四十年而卒

周晟

周晟字德明安陽人也始生之夕其祖夢一儒生趨
而揖之祖曰是孫他日必以儒興吾家既能言即穎
敏如成人爲文章即有理趣歸補郡庠生甫一歲即
領河南鄉薦時年十九也甲戌登進士第拜廣西清
吏司主事又三年奉 聖書審南畿重囚天順中推
永平知府在任七年陞湖廣右叅政歲辛卯丁父憂
服闋改叅山東政乙未就陞按察使於山東丁酉晉

江西左布政使觀政刑部時大司寇尚嚴毅屬官少當其意者獨晟所分因引審未嘗有所反異其所爲獄辭往往得事情合律意用是大爲稱重具疏留爲本部主事前後有所平反全活者甚衆然未嘗出法外以邀譽出守永平政尚寬大尤留心民事聞屬邑有不種二麥者親爲勸課之民始得享其利民間子女有貧過時而不婚娶者諭富戶出財帛資之一時婚配殆盡晟出自刑曹於治獄尤其所長郡中積年冤滯一一爲之伸理民有水清鏡平之謠及參湖藩所至刺舉惟當凡利民事不擇劇易視其力所及而

本朝分省備考

卷八十一

河南六

劉潺

劉潺字宗瀾安陽人天順丁丑舉進士授刑部主事四時着布袍出止乘驢湖廣都御史翁世資與都指揮訟 詔潺往會御史焦顯治顯欲歸獄于指揮潺曰如公言何名爲法卒坐世資遷郎中京師有兄弟爭鬪者各重賂累年不決至是賂潺潺持金白于司

寇乃竟其事晉浙江叅議進士盧某暴其鄉潺案問除名并改陝西鄜民寇氏關中大猾也部民寇扁頭與其祖適戌者寇扁都名相近遂竄軍籍潺聞籍疑之卒驗實軍歸寇氏遷叅政再遷四川布政使却宣慰楊氏金召爲順天府尹道出褒城流民入蜀就食守關吏不許潺令弛禁還都御史巡撫遼東弘治初致仕歸自課童僕耕時兩子舉于鄉日校授諸孫所誦書春秋祭墓必泣諄切質直無華言雖幼賤與均禮弘治乙丑疾革遺命母于恩澤作墳擾鄉里卒年七十有八

六月八日

卷八十二

河南六

李和

李和字本中安陽人天順丁丑進士授吏科給事中嘗論事件旨廷杖幾死遷都給事中通政司叅議右通政每居一官積年不徙成化末李孜省以左道進而大臣競樹黨中官梁方等用事最後萬喜有寵士夫躁進者與相結納朝令夕遷和獨以靜正淹滯有齊姓者閔和久次謂曰公常恬如將俟河清邪今諸貴人亦素敬愛公特二帕贊造請食頃耳而卿佐可得時乎可隨而不可與之亢也和謝曰吾譬之廢黑髮守節皓首乃求聘乎退謂所親曰吾見附人者有

害仁利是時有郎中素結倡優進欲爲通政乃傳旨遷和爲南京戶部右侍郎以彼代和至戶部六閱月而卒和豐貌恢量雖倉卒言色罔躁喜愠莫顯然內舍獨朗於事低昂及人賢不肖不失分寸父光道得痠疾彌年和自奉養躬上溺器久益虔儉薄不計生產子華少好俠稍侈和每責之曰由奢入儉難爾少耽安閒老必辛苦論者稱其不競不激含光蓄景如澄潭無波珠玉自瑩時以爲確論云

李顯

李顯字道彰安陽人成化丙戌進士授翰林院檢討事吉王後拜長史再改楚府弘治辛亥卒年五十一顯介特有志不輕下人凡舉進士者卽圖陟顯要富貴可致而顯終身留藩邸當選授時多稱病避或託貴勢請免顯曰士筮仕卽擇便利邪必如公等顧令王孤立乎往就選在楚府放逐豪猾官田稅改令謹厚者掌奸人訟指揮于某受賕顯直其罔某夜持金謝顯叱却之顯居鄉時歲大凶日以糜藥給饑暨河者在楚歲又凶出俸金寄親戚少與張文友文死顯塋之事其兄如父時人稱焉

徐憲

徐憲字振綱安陽人成化戊戌進士授松江府推官松江天下稱饒而民頗狡憲以約已推誠爲治民稱之曰徐青天有盜牛者以火刀更其角莫辨也憲令縱牛入野牛奔王家園中乃治盜罪入內臺爲御史出按甘肅番貢獅子憲令守關者勿納上疏言獅子異物受之則夷生玩心況日食牛羊百夫扛之昔武王受獒召公戒曰細行能累大德往者夷貢獅子受之故敢再貢彼蓋窺我好尚矣却之便時例贖徒者并贖杖憲上奏流之罪三贖米四十石而止雜犯死罪不贖五十石今增贖杖法則三年者米至四十五石矣是雖輕於死而實重於流也憲以親老謝病歸天池卒年五十

樊凱

樊凱字大振安陽人少給役至縣令見其狀貌驚令學凱長身玉立美須髯成化初選尚廣德公王凱與周景同鄉凱慕景爲人襲其行事景傾心與友凱亦能爲詩成化丙午命統禁兵日介胄升殿侍衛正德初劉瑾用事自公卿以下莫不折節而凱獨不屈嘗曰凱幸託主爲朝廷肺腑戚縱自輕奈辱主何所記卒王其者瑾鄉人也有心疾凱數掠治其知瑾惡

凱正值瑾出東華門將升肩輿某稱冤狀列凱受禁
卒金且多私役者遂罷凱待衛凱善論事有康濟心
河間諸郡民貧苦於繁役生于越兩人卽闢之每歲
終禮部納用數千人不與者猶數千人部中譁自尚
言以下反避匿凱曰此已無家故志意蘊憤誠得發
遣使事藩王嚴禁後勿得聞不二年此患遂息論圖
官軍曰軍大半私役矣不卽受錢代人役或負擔以
生逮操弱弓敗矢取具臨時食頃罷一旦有緩急非
但不可賴亦不能集宜於都城東曠郊指揮以下將
兵官各立保伍毋得他出給兵符爲信且守且練有
事命將往統之斯強幹而制枝矣子璿瑤俱錦衣指
揮同知

崔陞

崔陞字廷進號南郭學者稱南郭先生其先樂安人
也後籍安陽童時會父失官貧甚日一食然猶糲也
而於書顧益攻成化乙酉舉于鄉己丑登進士拜都
水主事改武選以父憂起改主客又以母憂起武選
權職方員外郎出知延安府陟叅政歷中外凡三
十餘年陞旣以蓬軍力致青雲巨才洪識遠越倫輩
而水蘖奮勵無殊寒約遂能輝前裕後慶流于子孫

至今相人訓學誨德必曰不見南郭公少時貧邪今
人凡少貧至貴顯必焚而陞主客時番人有踰額以
請者業賂釣樞者許之矣日趣上議而執弗僉名番
人夜持玳瑁奇香各十餘斤餽斥之出且聲其事遂
寢雖歷三部階五品然僦屋而居兢兢如少時出則
一瘦馬青布袍耳僅日出拾馬通淑人李維儲薪手
爨之先是星變求言與餘干蘇章同奏暨闔于政妖
僧蠱惑援芑儉壬竄逐忠良所致又言兵部尚書王
恕今之伊傳不宜置之南京奏人不報而他言者或
頗及宮禁秘密上爲之怒於是書言者六十人姓
本朝分省勅考卷八十九
名于屏擬升則絀其級不則遠惡地於是吏部故遲
之孝宗卽位乃有延安之命邊郡瘠耗習猾而俗
夷至則立規畫固扇鑄謹簿書節浮浪省遊宴公暇
則親植菜私園乃清疆場覈徵稅平徭役鋤豪橫招
流逸墾荒田實廩庾葺廢墜療疾疫敦行布惠黜邪
崇禮興學誨徒咸鑒鑒名實先是成化末郡大饑民
大半亡漢中山谷中陞蒞郡復者十六七會屢豐斗
米數錢耳嘗見宜川知縣唐來馬鞍驚曰鞍如是華
邪廉其價近百金曰有一鞍百金者邪遂收按之果
盡獲其貪狀又杜文祥者延之巨猾每大言曰崔誠

好然貧官也聞其自少貧吾起大獄必使之不窘意聞之必通其關節而伴若不知者已而以殺人事致于理鞠之罪不至死遂生之議者謂其內明而外容剖大決難靡動聲色而不知履堅秉貞識體負器自郎署時定矣在郡七年擢四川右叅政弘治丙辰監營壽王宮於保寧役者數萬人費數而力舒戊午逆申王于境民無擾者人稱之行部勾稽既詳顧又喜廉臧否與僉事曲銳齊名蜀人語曰崔蔡曲僉屹如雪山嘗如松茂得暈疾久弗愈已未秋遂致仕歸歸三十年卒陞恭儉出于天性少壯隱顯一致故能易

李 鑑

李鑑字時器湯陰人天資穎敏氣宇端凝成化壬辰進士授都水主事管河臨清改作板閘又緝內使私墾數萬引沒官復除刑部遷員外郎郎中奉命賑山西饑民多活流民有爲盜者鑑入其巢諭還本業開

渠灌田萬頃民刻石頌德遷鴻臚寺少卿諫罷鄧常恩廢職及毀西山戒壇弘治初數上言便宜再提巡撫會有沮之者遷南京太僕少卿再遷光祿卿削冗濫之俸抗章數工部器具窳薄耗財無益遷工部侍郎虜入榆林命兼憲職治餉虜遁還朝言十事且謂外攘宜先治內今盛齋黠嗜燕游寵他技以雜金紫畜異禽以糜梁肉此好漸長恐遠人偵伺以順逆邊方觀視以勤惰命山東漕上言壩城之壩母毀洸河之塞母通浚泉疏水漕利可復邊城奏密雲將有虜宜備之上曰非鑑往不可召至榻前諭旨鑑始至簡將廣儲已乃治塋壘飭器械守險隘梁溝壩墾荒田疏河流悉有成績上謂司馬劉大夏曰鑑果善幹國者正德初遷尚書劉瑾用事惡先朝大臣不附已遂致仕瑾誅詔起還部加太子少傅四辭乃允是後侯幸益雜修建大增龜山之戲內苑之供造軍器綉綺豹房僧寺鎮國延壽疑舉太素知碑刻畫色累金碧文后采瓦窮麗極奢隱憂顯諫未嘗遽已也內官災新作之鑑雅有心計量物平價擇舊成新費省而工堅諫疏歲數十上其曰漢文之賢能露臺而著隋帝之敗開汴河而致蓋民所有惟財與力力竭

劉憲財報則致令亡微已顯可又使之展請停他營併成內宮上或奪俸示譴或聞從一二太監劉養監各工鑄與議不協而叱之養素寵貴泣懇于上前直鑄不究嘉靖改元年七十有五曰吾在先朝義不可去今聖主興遺賢進吾納祿讓能此其時乎歸來八年春秋祀墓外靜坐觀書不出戶庭不燕飲無音樂益天性節約至老不渝云卒年八十二謚恭敏

賈銳

賈銳字良金別號東林安陽人幼有奇質刻志苦學弱冠補郡庠弟子員成化丁酉領鄉薦戊戌聯舉進士授知山西汶水縣汶水民健訟至則務以德化遠近帖服甫三載以賢能被剡薦召授監察御史行囊蕭然民有包老之稱老稚遮道悲號不忍捨去居臺未幾即巡中路風裁果栗盜賊逆息丁外艱奔歸哀毀踰禮服闋按遼東有都指揮李姓者久橫不法首劾之武弁震懾而邊地蕭然再按兩浙值溫處礦賊陳廣等構亂勢焰甚烈不避危險提兵勦平之捷報上有彩幣之賁弘治壬子擢福建按察僉事時建寧礦賊猶溫處奉勅兵備其地一方以寧遂擢憲

副歷山東憲長左右布政使憲度嚴明德意誣劾在在有聲而滑操益至正德壬申晉巡撫陝西等處地方兼管理軍務丁內艱聞訃即日歸時逆瑾恣橫繼羅百司以直慙不阿坐事舒米千斛輸邊傾家償之畢事懼他禍遂乞休情極迫切再疏乃俞理敗銓部累起辭不赴世宗初詔晉秩二品階資善大夫逾年卒享年七十有六性資沉靜器度宏雅嘗以矜莊自持自外觀之貌若遲鈍及其臨事毅然有為雖甚難處者無不曲中厥歷中外餘三十年始終一節不少渝其居林下十有六年自處一室無勝妄暇則課子讀書傳行孝弟絕口不及時事物論高之

崔銳

崔銳字子鍾更字仲晃安陽人父陞仕至參政康靖有聞母李淑人之娠也芝產門闌及誕夢蛟龍驚寤而生啼聲洪亮風骨岐嶷見者異之五歲口占成誦稍長博極羣書講太極圖通周易弘治戊午年舉於鄉庚申入太學祭酒謝鐸歷試稱首大奇之壬戌會試又不利乃與三原秦儒馬理諸公相友約明經修行母慕高虛母溺訓誥母勉詞章母蹈利名其志毅然以洙泗為師乙丑舉進士改翰林庶吉士正德丁

邪授編修預校實錄戊辰會試爲同考率執欲私其子以託銑銑不可竟出他手時闕瑾竊政囚戊元老奴僕端揆銑與修撰何塘見瑾長揖而已瑾怒謂其黨吏部尚書張綏曰翰林白面後生輕薄如崔銑尤甚欲重罪之綏不可塘謂曰吾兩人不可易節對曰銑安義命久矣是歲實錄成瑾僞傳上旨史臣未練政體各陞俸一級調部屬州縣銑改南京吏部驗封司主事部歲儲縱糧長易羨惡銑廡出之糧長賂請權貴固執不可尚書謂曰爾謫僊也何苦爲此對曰何勤非忠孰忠非分竟格姦庚午瑾誅召還史館辛未會試再爲同考時輔臣治文藝銑上書勸以及時悟主救民薦賢理財強兵母事瑣末懇懇千餘言癸丑冊封周藩歸卻厚餽還京掌廷試卷充經筵展書會御史王廷相下獄瀕死亟請執政曲援出之丙子充經筵講說官啓上以擇相輔德納誨去讒頑戒逸豫時權倖錢寧錢安廖鵬在側大街之各歷三考晉侍讀丁丑春罷經筵引疾求去少傳梁儲素重銑固留之乃三爲會試同考事竣得歸稱觴二親時父母年皆八耋餘矣已卯作後渠書屋董耕授徒刪定二程遺書作郡書世廟卽位輔臣諫官

交薦起修武廟實錄以備經筵癸未講論語開陳治本啓沃懇切尋擢南京國子監祭酒銑開誠心崇正議明教條嚴祀事獎雋彥警輕惰諸生朝夕問難銑嚮答不倦周貧佚老問疾賻喪士林大說逸尹梅繩南謫時友也抗瑾奪官貧且卒矣其母自鬻書屋銑分祿以養爲治棺歛甲申議大禮銑抗疏勸上勤聖學辯忠邪以回天變自分必被逮已而報休銑曰天恩蕩覆見老父幸矣諸生愕然如失怙恃銑歸囊無江南一物惟携古書數篋因自笑曰人言金祭酒我今若水矣公卿及諸生送者千餘人從而渡本朝分省人物考卷八十九
江者又數人銑乘醉登舟歌曰故園菽水知堪養提徑南山保未曾歸見父愉愉如也日讀書洎上折衷羣言四方來學者衆或持厚幣來學悉却之每教以研經飭行曰道在五倫學在治心功在慎獨丙戌罹父艱哀更甚於母時著松窓齋言中庸凡演大學全文又著士翼政議中說考文苑春秋家居十六年初號後渠繼又號洹野已丑立皇太子上慎選官寮起銑詹事府少詹事兼翰林院侍讀學士少師夏言政暇過談夜午忘歸贈句有一字不曾通政府十年始得見先生尋進南京禮部右侍郎庚子署戶部

篆清耗厘獎進賀 萬壽聖節部例公廩悉拒不受
時有風霾之變銃自効 溫旨慰留冬過家疾作杜
客調攝著讀易餘言辛丑病不克南行議乞休未果
病劇卒年六十四銃博學善談從遊者多所感發門
人如吏部郎中王與齡輩皆日依之不能舍去計聞
上遣官治塋諭祭贈禮部尚書諡文敏所著書多
行於世天下學者惟稱曰後渠先生

張士隆

張士隆字仲修安陽人弘治乙卯舉于鄉卒業太學
春試不利三原馬理集友講學期以明經修行母墓
本朝分省備考 卷八十九 河南六

本朝分省備考

卷八十九

河南六

高空母溺詔訓母耽辭母陷利與名其志以洙泗爲
師士隆獨持議曰諸君日端默寂戢可謂能閑其心
矣要須干事爲驗其實身與世爲二理與事相乖非
聖人合內外之道也已而士隆還安陽乙丑舉進士
授廣信府推官晉監察御史光祿卿李良素諂事少
師洛陽劉公得美遷又以女字少師孫時少師以諫
爲劉瑾所逐良詐言女死乃他適仲修上疏劾良良
坐罷癸酉巡河東鹽法運使劉瑜貪而有與援士隆
幼罷之豪右肅然欽手鹽法大行又以其暇建正學
書院鑿青石槽開茅津皆爲大衢甲戌內宮災上疏

曰 陛下前有逆瑾之橫後遭藺盜之亂既不知警
方且興居無度厪近非人積戎醜于禁中戲于戈于
臥內徹夜燕游親信內臣取貨于外又扣軍糧皆名
進貢織造龍幄科害靡極鄙猥無聞使之巡撫納銀
指揮授之政事盜伏而虜發民竭而兵罷守法御史
如劉天和則就逮張璞則死詔獄間閭之苦禍機之
蓄皆不知也今宜痛懲前弊更宜克慢絕滯早朝親
政講官說經師保論道究精一之傳考與亡之故以
表天下哀衣博帶之雅孰與市井狡穢之羣廣厦細
旃之樂孰與邊徼凶危之隊不報巡按鳳陽織造中
本朝分省備考 卷八十九 河南六

本朝分省備考

卷八十九

河南六

保元臣相與接席酣飲士隆率其寮覘其罪且曰堂來鸞往兄甫罷而弟嗣任鵬內鎧外父制中而子擅利鵬毒河南已起內盜鎧陝西必召外虜朝廷豈無他才專用一家兩省亦有何罪日受百害耶鵬寧大恨罷職御史薛鳳鳴以殺人被逮又夜自殺二婢子置朝門外懷謀訴其冤鳳鳴素事逆瑾當案者卽遜去累年不決都御史幸庵彭公以獄付士隆及御史許完掠治取服鳳鳴知事急貨錢寧以其妻女往要之寧受鳳鳴慫恿爲上奏乃下士隆及完獄閏七月士隆降判晉州完判定州已而士隆陞知州嘉靖初復御史所司忌其才仍擬知府太宰石燕峰曰凡官居者悉以資深超用而謫者罷者猶以淺資拘常調是佞者常伸而忠常屈也何以勸後乃得漢中守備副使其地居終南太白間西南連蜀東接鄖豫山蔽業羅立山中長廣數千里有良田美隄水泉沃灌宜牧多竹木可材文狸蔚豹可裘民洶濱河沙得金大抵逋逃者擅爲業歲貨軍官與通則吞併弱小藏大盜伺便出掠又好報讐殺人急則變作朝廷置都御史鎮之士隆至殛貪用良賊有王大王二結回回爲患官不敢逋所在皆立親識急則投匿號曰賊王

士隆諭之曰汝能擒賊卽汝功吾賞若否則吾率軍焚山是二者禍福汝何居王見士隆備飭語直皆叩頭曰幸公活我居數日各獻賊士隆又取賊王怙惡者十家破滅之歲遂大安乃堰響水溉田千畝立隄防溢又修雲霧水未成而卒安陽崔銑痛惜之輯其行實志之甚備

馬卿

馬卿字敬臣林縣人也父圖沁州知州卿少而穎敏甫十齡圖示以經書大旨旣曉析已摘文清峻弘治初年十七舉鄉試兩試春官不利卒業大學時臨清王佑以貢至卿察其博覽有行遂偕張士隆田汝舟輩講易於王氏十八年會試中式入對大廷策問道未行法未守卿答曰政事之柄握於司禮刑法之權移於厥衛蓋切中時弊云大學士劉健覆閱卷奇之改庶吉士正德二年授戶科給事中六年同考會試未揭曉禮部移文內簾主考學士靳貴奴洩試題於常州舉人某某受千金主考劉忠驗號一人中式比填榜黜之曰用戒黷貨者已出院卿疏請究之竟坐奴罪一舉子充吏貴大愧恨吏部遂以卿爲大名府知府時蘇盜大亂大名戎馬充斥又值凶歲卿至郡

修城浚池礮器募兵以令陳智教諭陳憫爲總領親閱能否大彰賞罰人思奮力東明小邑賊攻圍十有
二日不拔遂去相戒勿入郡中卿復請留運米若干
斛採荒得報自散之無餘侍郎王某掌賑濟怒卿之
專入境見道樹不伐民安不流乃更稱其才初遼東
寧杲自御史陞僉都御史已除名潛居京師厚賂閣
永求復官擒賊永諷諫官薦之卿適在工科同官有
及之者卿奮袂而言曰世果無人寧用駕如卿者可
也畿內可復令渠壞之耶已而傳旨復杲僉都御史
巡撫真定并討羣盜杲必欲中卿以危法至大名摘
疵索瘢威脅語侵卿不爲動亦無從得聞乃令供軍
需二千金卿謂必得印信公移乃敢發卒如請十年
進浙江按察副使溫處兵備孝豐湯氏作亂莫克平
者卿至上議曰湯氏自知罪大不赦無一日而忘死
則爲備必深凡孝豐在官者皆與通我有作彼必知
之今糧差不及孝豐湯之故也豪右名曰讐之實欲
存之以便已況法弛綱頽民畏湯如虎而眇官如羊
夫千里襲人情必先露山路險狹如鼠闢穴林木蔽
翳可以設伏彼安居以待我竭力以攻或遭連雨勢
難持久皆我之所忌也然度彼之勢敗形亦多負險

固守聚而不散則可圖拒命假息多疑少決則可劫
素雖桀驁未見大敵則可威收召豪傑引結讐家明
示利害公出刑賞則可用榜諭謀說降赦逃誅我威
既振彼思自脫則可離皆彼之所忌也夫用兵者不
以短擊長而以長擊短則兵未接而勝已定矣時不
能用及改山西提學轉參政時晉國發喪妖民張鉞
欲乘虛取會城張旂舉號卿先知之有備鉞不得發
御史不然後行部爲鉞黨所攻幾不免乃大索賊忿
將多戮卿又從容開釋無辜者甚衆嘉靖二年進浙
江右布政使中官張志聰吳勛造幣于杭自擅權利
又縱行頭色料既不中程而挾金以逋十年不訖工
卿蒞之乃與御史歐珠協心裁抑檄杭守查仲道以
平價易色料於商他無與也中官奏卿及仲道抗違
新命凌忽使臣有詔逮卿及仲道詔獄治卿及仲道
各引爲已罪殊疏救卿謫鶴慶知府珠仲道亦坐降
調卿歸省親會友飲燕甚洽久之適當別笑語之曰
丈夫志在萬里如雲南直履堂與耳至滇見鎮守中
官不答禮卿立而言曰吾不過再繫而已矣中官改
容謝過鶴慶民樸而士少文卿推誠布化抹撤煩苛
均徭平賦通道水利漾江西至登和地亢而藉潤枯